

上清太霄隱書元真洞飛二景經

洞玄靈寶太上六齋十直聖紀經

道教五戒

一者不得殺生二者不得嗜酒三者不得口
是心非四者不得偷盜五者不得淫色

十善

一念孝順父母二念忠事君師三念慈心萬
物四念忍性容非五念諫爭解惡六念損己
救窮七念放生養物種諸果林八念道遵舍
井種樹立橋九念為人興利除害教化未悟
十念讀三寶經律恒奉香花供養之具凡人
常行此五誠十善恒有天人善神衛之永滅
災殃長臻福祐唯在堅志

年六齋

正月三月五月七月九月十一月

月十齋

一日北平下八日北平司殺鬼下十四日太
一使者下十五日天帝及三官俱下十八日
太一下二十三日本一八神使者下二十四
日北辰下二十八日下太一下二十九日中
太一下三十日上下太一下自下中上三太

一下日皆天地水一切尊神俱下周行天下
個人善惡

甲子日太一萬間神祇

庚申日伏尸言人罪過

本命日計人功行

八節日有八神記人善惡

三元日天地水三官按人之罪福

三會日

正月七日舉連雲會七月七日慶生中會十
月五日更生大會

五臘日

五臘日

正月一日名天臘五月五日名地臘七月
七日名道德臘十月一日名民歲臘十二月

臘日名使玉臘

三會日三官考覈功過冥受符籙齋戒呈章

以祈景福

五臘日常當祠獻先亡名為孝子得福無量

餘日皆是淫祀通前三元日為八解日皆可

設淨供奉福焉

夫齋直之法要在乎絕甘肥膏辛酒色陰賊

嫉妬妄想一切諸惡唯宜燒香然燈誦經禮懺願諸一切普免災厄乃為齋矣昔孔子謂老子曰丘居貧唯不飲酒不如筆久矣老子曰是祭祀之齋也彼一志無以耳聽而以心聽無以心聽而以氣聽疏淪汝心澡雪汝精神拈擊汝智吾將語汝

論曰按諸經齋法略有三種一者設供齋可以積德解愆二者節食齋可以和精神保壽斯謂祭祀齋中士所行也三者心齋謂疏淪其心除嗜慾也澡雪精神去穢累也拈擊其智絕思慮也夫無思無慮則專道無嗜無慾則樂道無穢無累則合道既心無二想故曰一志焉蓋上士所行也詳夫齋者齊也要以齊整三業乃為齋矣若空守節食既心識未齊又唯在一志則口無食味謂茲二法表裏相質故大戒經云夷心靜嘿專想不二過中不味內外清虛是也孔子雖薄閑節食未解調心故示茲齋法令其受道而未學之徒孰能虛心一志哉夫鄙乎祭祀之教自謂得心齋理蓋嘖嘖怠慢之夫矣雖口譚玄寂無解其

目是自矜焉易云聖人以此齋戒

人生各有歲月日時隨其所屬星宿以定貧富貴賤性命長短焉然六家之物有合則有散有生則有死有成則有敗有盛則有衰此天下之恒數自然之對也五色者陷目之錐也五音者塞耳之鎗也五味者截舌之芥也財貨者亂人之物也故禍莫大於死福莫大於生是以有名之名喪我之豪無名之名養我之宅有貨之貨喪我之賊無貨之貨養我之福罪莫大於淫禍莫大於貪欲莫大於僭此三者禍之車也小則亡身大則亡家管生養性載神扶命則離苦昇樂福慶流延矣人之生也皆由於於神神鎮則生神斷則死故勤心積感則能舉形上昇玄宮矣夫人唯知豐儲以甘其口爵祿以榮其身而不顧甘口之食是傷命之芥爵祿奢麗刑對天下之怨矣元君曰道者靈通之至真術者變化之玄技也形之無形因術以濟人人之有靈因修而會道人能學之則變化自然矣夫道之要者

在手深簡而易攻也術之秘者唯符藥炁也符者三光之靈天文之真信也藥者五行之華英地之精液也炁者陰陽之和悉萬物之靈爽也爾雖得一事未畢要符藥道乃訖無能鍊形符能致神夫人愛其身天地莫能

害也守其志天下莫能敗也安其貧天下莫能富也樂其賤天下莫能貴也未有敬焉而無不敬未有讓焉而無不讓未有矜焉而無不矜未有惠焉而無不惠也守直以曲守白以辱守辯以訥守巧以拙以無伐為盈以無知為貴以愛寵為驚非無患之地則不蹈故百禍不能離也非夷易之塗則不由故險阻不能危也不以祿位穢其志故刑罰不能加也不以毀譽為喜怒故謗讟不能隨也百禍不能離是以總萬物之要也險阻不能危是以保未安之祚也刑罰不能加是以克其壽考之年也謗讟不能隨是以完其純粹之真也人能虛無清淨慈惠信孝敬和順謙勤儉柔淳素則與道同也故以道理之於身則心達志通重神愛氣輕物賤名思慮不惑血

氣和平筋骨便利耳目聰明肌膚潤澤面有光榮精神專固身體強虛實相從鬢髮潤先理之於家則父慈子孝夫信婦貞兄弟順九族和睦耕桑時豐倉廩積蔚六畜蕃殖事業修理常有餘矣故君臣有道即忠惠父子有道則慈惠士庶有道則相愛故有道則和無道則乖由此觀之道之於人不可須臾而去矣

文子問老子曰何謂道德仁義禮邪老子曰無形無為內以修身外以理人功成事立與天為隣道也畜之養之遂之長之兼利無擇與天地合德也為上不矜其功為下不羞其病於大不矜於小不偷兼愛無私久而不衰仁也為上輔弱為下守節達不肆意窮不易操一度順理不私枉撓義也為上恭嚴為下卑敬退讓守素為天下雌立於不敢設於不能禮也故修道即下歸服修德即下從今修仁即下不爭修義即下平正修禮即下尊敬五者皆修即國家安寧凡當代之士聰明深察而近於死者好議人

之罪也博辯闊大而危其身者好發人之惡也若夫法天象地恩及動植志而不持乃合大道焉故曰深行之為道德淺行之為仁義薄行之為禮樂也由是觀之不若懷道抱德自然淳朴矣

老君謂陵陽子曰吾前與關令尹喜妙真要解百萬言虛白九章虛而白者吾宅也清而淨者吾舍也無為自然者吾素也易而為一者吾號也和而無體者吾用也應化無窮者吾變也夫自然者道之真也無為者道之常也虛無者德之事也淡泊者德之官也靜嘿者德之泉也清淨者神之隣也精誠者神之門也中和者事之原也人為道能自然者故道可得而通也能無為者故生可得而長也能虛無者故氣可得而行也能淡泊者故志可得而共也能靜嘿者故聲可得而滅也能清淨者故神可得而光也能精誠者故志可得而從也能中和者故化可得而從也是故凡人為道當以自然成其名以無為養其形以虛無而養其神以淡泊而存其志以靜嘿

而養其身以清淨而平其心以精誠而守其志以中和而存其神矣夫安心游志使若大水之自澹也深居靖處使若蛟龍之潛藏也懷虛不屈使若雲霧之挹空也化得存神使若社稷之保功也立專居神使若宗廟之守

仁也使不我見若巨魚之居大水也使人莫我知若日出而無東也使我生無窮若大道之無方也道之相致譬如高山大澤之自致禽獸豺狼也若深林巨木之自致飛鳥百蟲也若江海湖池之自致魚鼈蛟龍也若威德太平之自致麒麟鳳凰也若精誠潔白之自致玉女芝英也若中和嘉應之自致德瑞吉祥也若災異惡行之自致妖孽殃禍也夫人常去道非道去人人常失生非生失人若使道與生相保生與道相守二者不相離乃能得長久夫有形之內人為最靈天性雖同因修各異何者以之習善即漸成真人之風用之涉惡即轉為兇卒故老君哀之令其學道夫修身之道乃國之寶也不可不愛不可不

貴也然一身之根有三一為神二為精三為氣也此三者本天地之氣也神者受於天精者受於地氣者受於中和也相與共為一道也故神者形乃乘也氣者神之與也精者居其中也三者相助為理夫人欲壽者乃當愛氣尊神重精也故氣生於精精生於神神生於明人本為陰陽之氣氣轉為精精轉為神神轉生明是故不欲老者當念守元氣而合精者也令不去其形合而為一也即淋淋自見身益輕意欲精也此神光欲生也心中大安欣欣若喜也若冥目卧著志意於身內。意不出則身鍊形變也如此則真理已得太平自應矣神哉此道神者君也精者臣也氣者人也故修身之道安神養氣不欲其喜怒若能制之氣自強也意自得也百邪自去衆病自消光明自見善神自應也故曰大道坦坦去身不遠第一初果行人之中九轉仙行一者可從於善二者閉塞於惡三者廣生濟物四者勸助良善五者布施財力六者大願利人七者身慈不害於物八者口慈言不害

物九者心慈常念於善常行九行一不可闕

太上洞玄靈寶六齋十直聖紀經



道要靈祇神鬼品經

總序靈祇

滿四

靈寶无量度人經云中斗大魁總監衆靈勅制地祇侍衛送迎拔出地戶五苦八難洞真上清隱書龍文經云太上道君元始天王同還大有之宮遊宴妙庭之館凝紫雲誦七寶敷丹霞列玄臺衆華采燦光爛玉虛微映諸天香溢十方煥爛朗殺不可稱宣爾乃集會无極靈祇爰及蠕動一切感通莫不歡喜

靈祇神品

洞神三皇經云神明者豫知未萌名曰神矣耳目聰明名曰神矣

太平經云夫神者因道而行不因德也故用道者與神明用德者與神謀道之與德更明思神與人者內相恃皆令可親又云古者神聖真人皆能守道清靜之時且食諸神皆呼而與其語言比若今人呼客矣又云天地四時五行衆神更直人命錄可不敬重念報其恩不欲為善事反天神天神使風雨不調行氣轉易當寒反溫當溫反寒又云大神比如